

釋迦方誌序 上

終南太一山釋氏道場

仙

惟夫大唐之有天下也將四十載淳風洽而
澆俗改文德脩而武功暢故使青丘丹穴之
候並入堤封龍砂鳥塞之區聿遵聲教膜拜
誓首顯朝宗之羽儀輸牒奉贊表懷柔之盛
德然則八荒內外前史具書五竺方維由來
罕述豈非時也雖復周穆西狩止届岷丘舜
禹南巡不踰滄海秦皇畫野近袤臨洮漢武
封壇關開鐵路歟斯以降遐討未詳所以崆
峒問道局在酒泉之地岷嶧謁聖實唯玉門
之側至於弱水洞庭三峗九隴燕然龍勒沙
障黎河具曆夏書咸圖雍部及博望之尋河
也創聞大夏之名軒皇之遊夢也初述華胥
之國貳師之伐大宛定遠之開鐵門由余入
秦曰禪仕漢聲榮覆於葱嶺帝德亘於耆
山赫奕皇華其徒繁矣而方土所記人物所
宜風俗之沿革山川之卓詭雖陳之油素略

無可紀豈不以經途遼遠遊誦之者希乎以
事討論縱有傳說皆祖行人信非躬覩相從
奔競虛爲寶錄何以知其然耶故積石河源
西瞻赤縣崑崙天柱東顧神州鳴砂以外咸
稱胡國安用遠籌空傳細簡是知身毒之說
重譯臻焉神異等傳斷可知矣自佛教東傳
榮光燭漢政流十代年將六百輶軒繼接備
盡觀方百有餘國咸歸風化莫不梯山貢職
望日來王而前後傳錄差乎不同事迹罕迷
稱謂多惑覆尋斯致宗歸譯人昔隋代東都
上林園翻經館沙門彥琮著西域傳一部十
篇廣布風俗略於佛事得在洽聞失於信本
余以爲八相顯道三乘陶化四儀所設莫不
逗機二嚴攸被皆宗慧解今聖迹靈相雜沓
於華胥神光瑞影氤氳於宇內義須昌明形
量動發心靈洎貞觀譯經嘗參位席傍出西
記具如別詳但以紙墨易繁閱鏡難盡佛之
遺緒釋門共歸故撮綱猷略爲二卷貽諸後

學序之云余

釋迦方誌一部八篇

封壇篇第一

統攝篇第二

中邊篇第三

遺跡篇第四

遊履篇第五

通局篇第六

時住篇第七

教相篇第八

仰尋諸佛之降靈也不可以形相求之隨機顯晦故得以言章述矣然學教者統舉爲先

傍窮枝葉終非遠致故於篇首標其致焉

釋迦方誌卷第一

封壇 統攝 中邊 遺跡

釋迦方誌封壇篇第一

佛之所王土也號曰索訶世界即古翻經爲娑婆矣經中所謂忍土者也謂此土人強識力念能忍苦樂堪任道器故佛王之案此封壇周輪鐵山山外是空空不可測山下是地下是金金下是水水下是風其風堅實逾於金剛衆生心力同業所感能持世界不令

傾墜自風以外即是虛空約此周輪從下而上至無色窮名爲有頂論其盡界縱廣所經卒非里數之所度也且如智度論從色界天下一大石經一万八千三百八十二年方始至地約此上下方維名爲一佛所王土地即
大千鐵圍而
爲封壇之域

釋迦方誌統攝篇第二

按索訶世界鐵輪山內所攝國土則萬億也何以知之如今所住即是一國國別一蘇迷盧山即經所謂須彌山也在大海中據金輪表半出海上八萬由旬日月迴薄於其脣也外有金山七重圍之中各海水具八功德其仙五
三

外鹹海廣於無際海外有山是鐵所成四周繞之海中可居者大略有四即約蘇迷山用分方面東洲名毗提訶南洲名瞻部西洲名瞿陀尼北洲名拘盧也此之四洲亦名四有人之所居佛之所王准此傍及鐵圍海內唯有四洲蘇迷山已上二十八天并一日月爲

一國土即此爲量數至一千鐵圍都繞名小千世界即此小千數至一千鐵圍都繞名中大千世界即此中千數至一千鐵圍都繞名爲大千世界按此三千大千世界其中四洲山王日月乃至有頂則有萬億之所皆爲佛之統攝俱遵聲教

釋迦方誌中邊篇第三

惟夫法王所部則大千之內攝焉若據成成都此洲常爲所住故此一洲則在蘇迷山南北之海中也水陸所經東西二十四萬里南北二十八萬里又依論說三邊等量二千由旬南邊三由旬半是則北闊而南狹人面象之

又依凡記人物所居則東西一十一萬六千里南北遠近略亦同之所都定所則以佛所生國迦毗羅城應是其中謂居四重鐵圍之内故經云三千日月萬二千天地之中央也佛之威神不生邊地地爲傾斜故中天竺國如來成道樹下有金剛座用承佛焉據此爲

論約餘天下以定其中若當此洲義約五事以明中也所謂名里時水人爲五矣所言名者咸謂西域以爲中國又亦名爲中天竺國此土名賢談邦之次復指西字而爲中國若非中者凡聖兩說不應名中昔宋朝東海何承天者博物著名群英之最問沙門惠嚴曰佛國用何曆術而号中乎嚴云天竺之國夏至之日方中無影所謂天地之中平也此國中原影圭測之故有餘分致曆有三代大小二餘增損積筭時輒差候明非中也承天無以抗言文帝聞之乃勑任豫受焉夫以八難所標邊地非攝出凡入聖必先中國故大夏

仙五
四

親奉音形東華晚開敎述理數然矣

二言里者夫此一洲大分三量二分以北土曠人希獫狁所居無任道務一分以南盡干三海人多精爽堪受聖化故約道勝大聖都焉故成光子云中天竺國東至振旦國五萬八千里振旦即印度神州之北也彼人目之南至金地國五萬八

千里西至阿拘遮國五萬八千里北至小香山阿耨達池五萬八千里觀此通攝取其遐邇齊致以定厥中其理易顯

三言時者謂雪山以南名爲中國坦然平正冬夏和調卉木常榮流霜不降自餘邊鄙安足語哉四言水者此洲中心有一大池名

阿那陀荅多唐言無熱惱也即經所謂阿耨達池在香山南大雪山北居山頂上非凡所至池周八百里四岸寶飾正南當於平地地獄所居故金剛座東僻五千里又池正南當洲尖處其北當謎羅川即北又當葱嶺北千泉也上空定約當北辰星今望第五似如西欹且天上一寸地下一千千泉去京八千餘里焉約天無一尺矣其池北去鉢露羅國減千里東南屈露多國西南罽賓國各千餘里然四海爲壑水趣所極故此一池分出四河各隨地勢而注一海故葱嶺以東水注東海達嚙以南水注南海雪山以西水注西海大

仙五

秦以北水注北海故地高水本注下是其中此居海濱邊名難奪又佛經宏太通舉事周博見聖賢義非妄委於上所列咸符地圖然此神州所著書史寓言臆度浮濫極多時約佛經更廣其類都比目蕪穢試爲舉之水經云無熱丘者即崑崙山又扶南傳云阿耨達山即崑崙山又山海經云南流沙濱赤水後黑水前有大山名崑崙丘又云鍾山西六百里有崑崙山出五水按穆天子傳云春山音鍾又云海內崑崙丘在西北帝之下方八百萬仞又十州記云崑崙陵即崑山也在北海亥地去岸十三萬里此約指佛經蘇迷山也又東海中山名方丈亦名崑崙又云西王母告周穆云山去咸陽三十六萬里高平地三萬六千里又周穆傳述西王母云去宗周灑澗一萬一千一百里神異經崑崙山有銅柱其高入天圍三千里榮氏注云柱洲崑崙山東南萬二千里有無外山史記云崑崙山去

萬高五萬里高萬一千里郭璞云高二千五百餘里淮南云高萬一千一百里十四步二尺六寸記云崑崙山高四千八百里又云此山飛浮又云崑山南三十里次第有千崑崙山名小千世界經云崑崙山高九重相去各九千里又去高萬萬五千里已前儒道兩說

雖形量差異莫越崑崙尋崑崙近山則西涼酒泉之地穆后見西王母之所具彼圖經若崑崙遠山則香山雪山之中也河源出焉故爾雅云河出崑崙墟郭璞圖贊云崑崙三層号曰天柱實惟河源水之靈府按禹貢云導河自積石者但據伏流所出處而名之若計本源誠有由矣故佛經云此無熱池東有銀牛口出碗伽河即古所謂恒河也右繞池而流入東南海南有金象口出信度河即古辛頭河也右繞池而流入西南海西有琉璃馬口出縛芻河即古博叉河也如上繞池入西北海北有頗胝師子口出徒多河即古私陀

仙五

六

河也如上繞池入東北海按河圖云崑崙山東方五千里名曰神州亦名赤縣又依書云河源東北流出葱嶺岐沙谷分爲兩水東北支流經于闐南山於國西北出又東流大河經竭盤陀城東南又經踈勒國西又東北至城下又迴流國南五百餘里至烏鎌國南又東北至踈勒國北六百一十里至烏孫界赤谷城又東二百七十里經姑墨國南又東六百七十里經龜茲國南又東三百五十里經烏疊國南此即漢時都護所治也西南去踈勒二千一百一十里東南去鄯善國千七百八十五里東北去烏耆國四百里河又東南三百四十里經渠梨國南又東二百四十里經黑山國南此東去玉門關二千六百六十里河又東經連城注賓城南沮沫國北合支水河又東經婁蘭地又東經鄯善國城南過東北數百里入蒲昌海其海東面少北去玉門一千三百里又東北去陽關三百里此河

於蒲昌伏流南而少西數千里入積石山在羌燒党中書云積石去崑崙丘千七百四十里或云伏流萬三千里斯諸臆說難以究詳河出積石西南流九屈東北合流經折支地是爲河西又東北入塞過燉煌張掖南是爲河源矣按此實錄以尋河源窮至無熱惱池

仙五七

所方爲討極然此池神居非人所及又是北天雪山之域南接中土佛生之地以處高勝故非邊矣五謂人者不出凡聖凡人極位名曰輪王聖人極位名曰法王蓋此二王不生則已生必居中又山川國邑人之依報人勝則依勝故此二王居焉又輪王有四王約統

四洲金輪王者則通四有銀輪三方除北一洲銅輪二方除西北方鐵輪在南除於三方言瞻部者中梵天音唐言譯爲輪王居處言四輪王通局乃殊住必南方也古翻此洲云好金地謂閻浮檀金在洲北岸海中金光浮出海上其傍有閻浮樹林其果極大得神通

者方至於彼今言此洲輪王得名兩設其致耳又此一洲四王所統雪山已南至于南海名象主也地唯暑濕偏宜象住故王以象兵而安其國俗風躁烈篤學異術是爲印度國然印度之名或云賢豆或云天竺或云身毒天篤等皆傳之訛僻耳然以印度爲正唐無以翻雪山之西至于西海名寶主也地接西海偏饒異珍而輕禮重貨是爲胡國雪山以北至于北海地寒宜馬名馬主也其俗羌暴忍煞衣毛是突厥國雪山以東至于東海名人主也地唯和暢俗行仁義安土重遷是至那國即古所謂振旦國也上列四王且據一洲分界而王以洲定中輪王爲正居中王邊古今不改此土諸儒滯於孔教以此爲中餘爲邊攝別指雖陽以爲中國乃約軒轅五岳以言未是通方之巨觀也又指西蕃例爲胡國然佛生遊履雪山以南名婆羅門國與胡蘭絕書語不同故五天竺諸婆羅門書爲天書

語爲天語謂劫初成梵天來下因味地脂便有人焉從本語書天法不斷故彼風俗事天者多以生有所因故也胡本西戎無聞道術書語國別傳譯方通神州書語所出無本且論書契可以事求伏羲八卦文王重爻蒼頡鳥迹其文不行漢時許慎方出說文字止九

仙五

八

千以類而序今漸被世文言三萬此則隨人隨代會意出生不比五天書語一定上以五義以定中邊可以鏡諸餘如隋初魏郡沙門靈裕聖迹記述

釋迦方誌遺跡篇第四

自漢至唐往印度者其道衆多未可言盡如後所紀且依大唐往年使者則有三道依道所經且覩遺跡即而序之其東道者從河州西北度大河上漫天嶺減四百里至鄯州又西減百里至鄯城鎮古州地也又西南減百里至故承風戍是隨互市地也又西減二百里至清海海中有小山海周七百餘里海西

南至吐谷渾衙帳又西南至國界名白蘭羌北界至積魚城西北至多彌國又西南至蘇毗國又西南至敢國又南少東至吐蕃國又西南至小羊同國又西南度咀倉法關吐蕃南界也又東少南度末上加三鼻關東南入谷經十三飛梯十九棧道又東南或西南緣葛攀藤野行四十餘日至北印度尼波羅國此國去吐蕃約九千里其中道者從鄯州東川行百餘里又比出六百餘里至涼州東去京師二千里從涼州西而少北四百七十里至甘州又西四百里至肅州又西少北七十五里至故玉門關在南北山間又西減四百里至瓜州西南入磧三百餘里至沙州又西南入磧七百餘里至納縛波故國即婁蘭地亦名鄯善又西南千餘里至折摩陀那故國即沮沫地又西六百餘里至都羅故國皆荒城耳又西入大流沙行四百餘里至瞿薩旦那國東境即漢史所謂于闐國也都護所居漢之所守東去長安九千六百七十里其關

名尼壤城彼土自謂于逝國也周四千餘里沙磧太半寺有百餘僧出五千大乘學者從關至婬摩川二百餘里有婬摩城中有栴檀立像高三丈餘極多靈異光明疾者隨痛以金薄帖像上便愈其像本在橋賞彌國是駢陀衍那王所造凌空至此國北曷勞落迦城有異羅漢每往禮之王初不信以沙土坌羅漢乃告敬信者曰却後七日夜果兩土填城略二日乃兩寶滿街至七日夜果兩土填城略無遺人其先告者預作地穴從孔而出東趣婬摩像亦同至有記云法滅之時像入龍宮也其曷勞城今爲大阜王欲掘寶必遭風變又於婬摩城西行三百三十里方至國城王都南十里有大寺先王所立面南十餘里寺有紩紩立像從屈支國來昔此有臣於彼禮敬臣還本國遙念無已像遂夜至乃捨宅爲寺都城西三百餘里勃伽夷城有坐像高七尺相好無比首有寶冠光明時現都城西百

六十里路中大磧唯有鼠壞形大如蝟毛金色昔匈奴來寇王祈鼠靈乃夜齧人馬兵器斷壞自然走退都城西五里許寺有浮圖高百餘尺多現光相王感舍利數百粒羅漢以右手舉浮圖安之函內乃下之無傾動也都城西南十餘里有瞿室駁伽山牛角有寺像現光明佛曾遊此爲天人說法記其建國崇學大乘山巖石室有一羅漢入滅心定待慈氏佛數百年前崖崩塞戶其國南界接東女國從國城西越山谷行八百餘里至研句迦國即沮渠也南境其國周千餘里佛寺十餘僧徒出百學大乘者國南有山立多羅塔仙五

松泉流茂石室深淨有三羅漢現入滅定鬚髮恒長僧常剃之五印度僧有證果者多止此室又北減三百里方至都城周十餘里山阜連屬臨帶兩河又於國西北上大沙嶺度徒多河五百餘里至
佉沙國即跋勒也周五千餘里寺數百僧數万習

小乘有部地多石磧其俗生子壓頭匾匱從此南行山野石磧五百餘里至

烏鎌國周千餘里都城周十餘里南臨徒多河信佛法寺十餘所僧減千人習小乘學城西二百餘里至大山嶺上有塔數百年前山崖自崩中有比丘冥目而坐形甚偉大頭髮

下垂覆于肩面國王以蘇油灌之擊鍵槌北丘高視曰我師迦葉波也今始乃聞已涅槃耶又問釋迦佛出世耶告云已滅度矣即昇空化火焚身其土出自鑿青玉等從國城西度河登葱嶺東崗八百餘里至福舍其地在四山之中方百餘頃無樹木有細草緣如別說又西南踰大嶺至竭盤陀國周二千餘里都城周五十餘里北背徒多河敬佛法寺十餘僧五百餘人小乘有部其國東南大石室二口各一羅漢入滅心定經七百餘歲其鬚髮生年別爲剃又西北行三百餘里方至王都東南臨徒多河山嶺連屬又西少南登山

廿五

士

冰雪五百餘里至波謐羅川東西千餘里南北百餘里或無十里據南北大雪山間地鹹鹵多石草木希少絕無人住川南越山有鉢露羅國此川在大葱嶺上瞻部一洲地最高也中有大龍池東西三百餘里南北五十餘里大郊出焉其水西流至達摩悉帝國東界與縛芻河合故此已西水並西流東出一流東北至佉沙國西界與徒多河合自此諸水皆東流也龍池正南當無熱池北當千泉川南當池大嶺名婆羅犀羅南北三四百里山地極高池北即大葱嶺也水經云高可千餘里兩邊漸下南北堅嶺行數極多百餘條矣多有山葱崖峽葱翠因以名焉嶺南接大雪山北至千泉應有二千五百許里東極烏鎌西達活國應三千餘里又從川西南入山險七百餘里至商彌國周二千六百里土出雌黃國人信佛寺有二所僧亦少耳北越達摩悉帝大石山至尸棄尼國周二千餘里山磧

連野又南越山河至達摩鐵悉帝國一
名
護
密
國即覩貨羅之故地也在兩山間東西千五百里南北減百里或狹不踰十里東臨縛芻河寺有十餘僧數蓋少城寺石像上懸金銅圓蓋衆寶飾之人有旋繞蓋亦隨轉人止便止四周石壁莫測其然有說聖力使之或謂機關之秘又西南登山入谷五百餘里至屈浪擎國亦故地也周二千餘里少有信向又西北踰嶺三百餘里至澑薄健國亦故地也周千餘里都城十餘里又西北山谷行二百餘里至鉢鐸創那國亦故地也周二千餘里都城山崖上周六十里寺有四所僧亦少耳山谷西行二百餘里至呴摩呴羅國亦故地也周三千餘里山川相半堅城數十西越

又從訖栗國越峻入洞經川城三百餘里至瞢健國亦是故地周四百餘里都城周十六里北渡河至阿利尼國亦故地也周三百餘里帶縛芻河兩岸大城周十五里東渡河至遏羅胡國亦故地也北臨前河周二百餘里大城周十五里又從瞢健國西行百餘里出葱嶺西頭尋山而下至活國亦是故地周二千餘里王城周二十餘里其王突厥也鐵門已南諸小國多屬突厥地安平俗多信佛寺十餘僧數百大小兼學西至縛曷國四五百里東南越山谷諸城三百餘里至闕悉多國亦是故地國周減千里都城十餘里山多川峽極甚風寒僧寺三所衆亦少耳東南入谷越嶺度諸小城四百餘里至安呴羅縛國亦是故地周三千餘里王城周十五里屬突厥寺有三所僧有數十有育王百里都城周十五里北至鉢利曷國亦是故一塔山阜連屬極寒厲也從此西南上大雪地廣百餘里南北三百餘里都城二十餘里

望瞻部一洲諸山並皆四下又尋嶺下行亦三日極峻曲谷鑿冰而度西經迦畢式國邊城小邑數十又西南數百里方至王都又西少南一千三百里越山川至
弗栗恃薩償那國廣二千餘里南北千餘里王城周二十餘里信佛法從此南行五百餘

仙五

十三

里至漕矩吒國亦曰早利周七千餘里王城周三十餘里山川相半寺有百數僧徒數万皆學大乘育王塔十所天祠數十計多外道也土宜鬱金香草出興瞿草生羅摩印度川南境搥那凹羅山王城東南二千餘里至西印度伐刺拏國方合北道南趣佛國

其北道入印度者從京師西北行三千三百餘里至瓜州又西北三百餘里至莫賀延磧口又西北八百餘里出磧至柔遠縣又西南百六十里至伊州又西七百餘里至蒲昌縣又西百餘里至西州即高昌故地漢時宜禾都尉所治處也後沮渠涼王避地於彼今爲

塞內又西七百餘里至

阿耆尼國即烏耆也東西六百餘里南北四百餘里都城周六七里僧寺十餘二千餘人並學小乘說一切有戒行精勤食三淨肉從此黑嶺胡類羣分重財輕義無禮無敬婦尊夫卑良賤一等吉素凶阜以爲服制又西南行二

百餘里踰一小山越二大河川行七百餘里至屈居反多支國即丘慈也東西千餘里南北六百里城周十七八里寺有百餘僧五十餘並學小乘說一切有如上三淨俗大信佛王城民宅多樹像塔不可勝記東境大城中有天祠池龍時出與北馬合而生龍駒初生懨悞子方馴駕故國多善馬近王名金花者感龍馭乘王欲終時鞭觸其耳因即潛隱與人婦通生子驍勇王構突厥殺此城人故令空荒城北四十餘里東昭怙釐寺佛堂中有玉石方二尺上有佛足迹長尺八寸廣六寸齋日放光王城西門外路左右有立佛各高九十餘

尺於此建場五年一會西有阿奢理貳寺唐言奇特也昔王外遊觀禮聖迹母弟留守因自割勢爲防讒攝王深異之弟後遇人捷五百牛遂愍贖之慈善根力男形歟生遂不入宮王許奇特故因置寺又西經小磧六百餘里至跋祿迦國古名姑墨又名亞墨東西六百餘里南

仙五十四

北三百餘里王城周五十里寺數十所僧千餘人並小乘學西北行三百餘里度石磧至凌山即葱嶺北原也水多東流此路不得赭衣持瓠及聲叶有犯者龍能飛風雨沙遇必皆沒山行自西四百餘里至大清池又名熱海亦名周千餘里東西長四面有山行人祈福又

時國石周唐言周千餘里西臨素葉河又東南千餘里至怖敷捍國周四千餘里山周四境又西行千餘里至寧觀利瑟那國周千四百里東臨葉河葉河出葱嶺北西北流又西北入大磧應五百餘里至颯末建國唐言周康國周千六百餘里南北狹都城周二十餘里處極險固自此東南至弭末賀國米也周周繞四五百里東西狹又西北至劫布咀那國曹國也周周千四五百里東西長又西三百餘里至屈霜你迦國何國也周同曹國而東西狹又西二百餘里至

仙五十五

喝捍國陳安也周千餘里又西四百餘里至捕捍國中安也周周千七百餘里東西長又西四百餘里至伐地國西安也周周四百餘里又西南行五百餘里至貨利習彌併國順縛芻河兩岸東西可三十里南北五百餘里又從颯秣

箋如赤建國周千餘里又西二百餘里至赭

羯霜那國云史國也周可千五百里又西南二百

餘里入大山山路絕險又少人物東南山行

三百餘里至鐵門關左右石壁其色如鐵鐵

固門扉懸鈴尚在即漢塞之西門也出鐵門

關便至覩貨邏國古云吐火羅也之故地南北千餘

東西三千餘東拒葱嶺西接波斯南大雪山

北據鐵門縛芻大河中境西流其中自分二十七國僧以十二月十六日安居由溫熱多雨故也順河北下至

哩蜜國東西六百餘南北四百餘王城周二十餘里寺十數所僧出千人大有窣覩波即塔之外名佛像靈異又東至

赤鄂衍那國東西四百里南北五百餘王城

周十餘里寺五所僧少又東至忽露摩國東西百餘南北三百餘王城周十六七里寺有二所僧百餘耳東至

渝朔漫國廣四百餘里縱百餘里王城周十餘里寺二所僧亦不多西南臨縛芻河便至

鞠和衍那國廣二百餘里縱三百餘里王城十餘里寺三所僧百餘又東至

鑊沙國廣三百餘里縱五百餘里王城周十六七里又東至珂咄羅國廣縱千餘里王城

周二十餘里東接葱嶺至

拘謎陀國廣二千餘里縱二百餘里據大葱

嶺之中王城周二十餘里西南臨縛芻河國南接尸棄尼國南度此河至達摩悉帝等國如前中道所引也又從鐵門南而少東五百餘里至縛喝國一道拘謎西南至縛伽浪國廣五十餘里長二百餘里都城十餘里又南至紇露悉泥健國周千餘里都城周十五里

仙五

大

許又西北至

拂琳國周八百餘里都城周十五里餘寺十餘僧五百又西至

縛喝國廣八百餘里縱四百餘里北臨縛芻河王城周二十餘里俗美其國詔爲小王舍城寺有百餘僧三千餘人並小乘學城外西

南有納縛新也寺在雪山北作論諸師贊重此寺基業不替像鑿名珍毗沙門像衛之突厥葉護欲襲寺取寶屯軍寺側夜夢天王長戟貫胷可汗心痛因爾便死堂中有佛澡罐受可斗餘雜色煜耀金石難名又有佛牙長寸餘廣八九分色黃白而光淨佛掃帚者用迦奢草長二尺餘圍可七寸雜寶飾柄三物齋日法俗所感放大光明有大浮圖高二百餘尺金剛泥塗以寶莊之有佛舍利時放神光又諸羅漢入涅槃者示通立塔雖有證果不現通者則不封樹王城西北五十餘里有提謂城王城正北四十餘里有波利城各有

里又西南行三百里至胡寃健國廣五百餘里縱千餘里王城周二十餘里多山川又西北至咀刺健國廣同前縱五十餘里王城十餘里西接波刺斯國界又縛喝國東至拂琳國於此東南至紇露悉汎建國千餘里於此北近縛伽浪國東西五十餘里此國東北接活國又從縛喝國南百餘里至

揭職國廣五百餘里縱三百餘都城周五里許寺十餘僧三百餘人並小乘學陵阜相連東南入大雪山六百餘里出覩貨羅故地又至梵衍那國廣二千餘里縱三百餘里在雪山中城依巖險寺有數十僧數千人學小乘出卅部王城東北山河有大石佛高一百五十尺金寶莊飾又東寺左有鎰石釋迦立像崇建城西七十里迦葉波佛時所建浮圖高二丈餘又從大城西南入雪山河三十餘里至銳末陀國廣五六里縱百餘里王城周十餘

覺齒長五寸餘廣減四寸又有金輪王齒長三十廣二寸又有商諾迦縛婆即商那和脩傳法第十三師大阿羅漢鐵鉢受九升許并九條僧伽胝絳赤色設諾草皮之所續成以其先世於解憂日持此草施僧福力所被五百中陰身生恒服之從胎俱出逐身而長阿難度時變爲法服受具已後又變爲九條其齒鉢等並金纏之羅漢證滅入邊際定智願力故留袈裟待遺法盡方乃變壞今已少損信有徵矣大雪山東至小川澤東入雪山踰黑嶺至迦畢試國周四千餘里北背雪山三垂黑嶺都城周十餘里寺有百餘僧六千餘人多學大乘其

王信佛歲造丈八銀像自修供之天祠數十異道千餘人王城東三里北山下有大寺佛院東門南大神王像右足下有大寶藏近有外王逐僧欲掘神冠中鸚鵡鳥像奮羽鳴呼地動王軍皆仆起謝而歸寺北嶺上有數石室亦多藏寶欲私開者藥又變爲師子蛇虫來震怒之室西三里大嶺上有觀自在像誠願者像示妙身安言行者城東南三十餘里曷邇怙羅寺大臣所造以名目之浮圖高百餘尺昔臣夜夢令造浮圖從王請舍利也及旦至宮有人持舍利瓶臣留舍利令人先入乃持瓶登塔覆鉢自開安舍利訖王使追之石已合矣齋日放光流出黑油夜聞音樂城西北二百餘里大雪山頂有龍池山下爲龍立寺塔中有佛骨肉舍利升餘有時煙起或如火猛焰漸滅之時方見舍利狀如白珠繞柱入雲還下塔中城西北大河南岸古王寺中有佛弱齡亂齒長一寸餘

又此東南往古王寺有佛頂骨一片廣寸餘色黃白髮孔分明佛髮青色螺旋右榮引長天餘卷可寸許

又西南古玉妃寺金銅浮圖高百餘尺佛舍利升餘每十五日夜放光繞盤曉入塔中城西南比羅婆絡山云象堅也頂盤石上起塔高百

餘尺舍利升餘山比嵒泉是佛受山神飯已漱口嚼楊枝因生今爲茂林寺号楊枝也又從龍池東行六百餘里越雪山度黑嶺至北印度界已前諸邑並名胡國至此方合中國道也其地名曰濫波國比印度所攝也
大竺婆羅門地入其五印度之境周市九萬餘里三垂大海北

仙五

九

背雪山比廣南狹如半月也七十餘國同一王命濫波國者在無熱池西倚北胡活國東南三垂黑嶺北約雪山都城周十餘里寺十餘所僧數亦少多學大乘天祠數十異道特多東南百餘里踰大嶺大河至那伽羅曷國屬北印度花氏城廣六百餘里長二百餘里山周四境都城周二十餘里寺多僧少天祠五所異道百人城東二里有石塔高三百尺編石特起雕鏤非常此即昔時值然燈佛敷鹿皮衣髮布掩泥之地也經劫猶存無憂王重法建此石塔以誌之每於齋日天輒雨花大衆集觀西有佛寺次南小塔是掩泥處王避大路

遂僻建立城內大塔故基舊有佛齒別塔高三丈餘云從空來既非人工寔多靈異城西南十餘里有塔是佛自中印度陵空來降迹處次東有塔是昔值然燈佛買花處城東南二十餘里小石嶺上塔高三百餘尺西南深澗瀑布飛流懸崖東岸石壁大洞穴是龍王所居門徑狹闊昔佛於此化龍留影煥若真形至誠請者乃暫明現窟外方石有佛足跡輪相發光窟西北隅塔者佛經行處又側髮爪塔又說蘊界塔窟西大盤石上有濯袈裟紋城東南三十餘里有醯羅城四周險固中有重閣上安佛頂骨周尺二寸其色黃白髮孔分明欲知善惡香泥印之隨心而現有佛髑髏狀如荷葉色同頂骨有佛眼睛大如柰許清白映徹並七寶小塔盛前三迹又以寶函盛而緘封有佛大衣細疊黃色置寶函中微有壞相有佛錫杖白鐵作環栴檀爲寄寶筒盛之近王恃力將入宮中尋復故

迦斯五聖迹王令五淨行者執侍掌護有須
見者稅一金錢請印稅五科寶乃重觀禮弥
繁閣西北塔小而多靈人以手觸其上鈴震
動自此東南山谷中行五百餘里至
健陀邏國度也廣千餘里長八百里東臨信
度河都城周四十餘里少空荒寺有千餘所

仙五

二十

天祠百所異道雜居城內東北故基是佛

鉢寶臺經數百年今在波斯王宮供養城東
南八九里畢鉢羅樹高百餘尺枝葉蒙密昔
四佛坐下見有坐像傳云賢劫諸佛皆坐其
下昔釋迦如來於此坐已告阿難曰後迦膩
色迦王集吾骨肉在此王後在南建塔基周
仙五

高四尺六寸又於南面石陞盡佛丈六之形
昔有二貧人各施一金錢共畫一像請現神
變像即現曾以上分爲兩身合下爲一次南
百餘步白石佛像高一丈六尺南北放光夜
出繞塔賊欲盜物像出迎之賊退像還大塔
左右小塔數百莊工極巧杳音兩異仙聖旋
繞佛記比大塔七燒七立佛法方滅已燒至
三今現營構西有故寺並前王所立諸大論
師世親菩薩如意論師脇尊者等造毗婆沙
處寺東北五十餘里渡大河至布羯邏伐底
城周十四五里東有四佛說法塔無憂王建
之高數百尺雕鏤希世城北五里故寺東塔
仙五

廿

高數百尺即菩薩捨千眼處東有石塔高百
餘尺梵釋初作妙珍鑾飾佛滅寶變今爲石
也又西北行五十餘里塔者是佛化鬼子母
處又北五十餘里塔者是商莫迦菩薩此云
被王射處又東南約二百里跋魯沙城北
東二十餘里憍多落迦即檀山嶺上塔是蘇
從齋石壁紋如鏤廁以金沙作二加趺佛像

達擎云善牙也接隱之所婆羅門捶男女處流血

塗地令諸草木皆同絳色巖間石室妃習定處又西北行百餘里越小山至大山南有一寺塔僧學大乘昔獨角大仙爲女亂處

沙城東北五十里大山有大天祠祠東南行百五十里至烏鐸迦漢菴城周二十餘里南

臨信度河從此城北越山行六百里至烏仗那國此印度之正古謂烏長國山谷相連周五千里昔輪王苑也土宜鬱金香夾蘇婆窣堵河王城周十四五里寺有一千四百所僧有一萬八千並大乘學今多荒少其習大乘統文略義經律傳訓有五部焉一法密部二化地部三

飲光部四說一切有部五大衆部天祠十餘異道雜居

王都賈揭釐城其東五里大塔多瑞是佛昔作忍仙爲羯利此云王支解之處城東北二百六十里入大山至阿波邏龍泉即前河源也派流西南春夏合凍晨夕飛雪佛昔化暴

龍金剛以杵擊崖龍怖歸依請佛放雨乃許之令人收糧十二年一雨水災又泉西南三十餘里水北岸大石上佛伏龍已留迹示之

隨心長短順流三十餘里有佛濯衣石袈裟紋如鏤城南四百餘里醯羅山谷尋水逆流東上花果緣崖或聞誼話音樂聲方石相接

是佛昔聞半偈捨身處城南二百餘里大山側有摩訶伐那寺此云大林佛昔爲薩縛達羅王施即一切失國避地爲貧人故令縛送處寺西北下山四十餘里有寺塔高百餘尺側方石上佛足迹相放光照寺爲天說本生處塔下有石黃白津膩是佛昔爲聞法析骨寫經處

仙五十三

又西七十里塔是佛昔爲尸毗迦王此云與也割身代鵠處又西二百餘里珊瑚闍川薩袁煞地吉姓也寺塔高八十尺佛昔爲帝釋身作大蟒僵死以施貧疫處側有蘇摩塔是佛變爲蘇摩蛇噉者病愈處川北崖塔病求多愈

又側有涌泉佛昔爲孔雀王嘴啄而出用救

疾處城西南七十里大河東塔高六十尺是
溫咀羅摩那言上軍也王所造佛令以舍利與王
分在河濱立塔王以白象負歸象變爲石城
西五十餘里度大河有盧醜言亦溫咀迦塔亦高
五十餘尺佛昔爲慈力王刺血飲五藥又處
城東北三十里遏部多言奇石塔高四十尺

佛爲人天說法塔從地出現即存馬又西度
大河四十里寺精舍有阿縛盧枳抵云觀也伊
濕伐羅云在自菩薩像即觀也感靈遠照此西
百五十里山嶺龍池周三十餘里王城東北
踰山谷並上信度河途路極險乘組棧梁鎖
杙躡蹬千有餘里至達麌羅川烏仗那舊所
都也大寺中有刻木梅咀麗耶唐言弥勒菩
薩像金色晃朗高百餘尺未田底迦即未阿
羅漢所造以通力引匠升觀史多即覺也天三
返觀相乃成其好自有此像法方東流也東
行越領逆信度河履險飛梁五百餘里度河
又東度縛芻河登危至

仙五

凡三

鉢露羅國周四千里大雪山中東西長寺數
百僧數千學師戒行多濫其國非印度所統
多水雪其土出金如火色北對婆羅犀羅大
嶺還從健馱邏國烏鐸迦城南度信度河廣
四里許西南流清澄如鏡毒龍惡獸窟穴其
中有持舍利寶花者船多沉沒度河至咀叉
始羅國北印度也周二千餘里都城周十餘里寺
多僧少並大乘學城西北七十餘里有伊羅
鉢龍池周百餘步池東南三十里兩山間塔
高百餘尺佛昔記慈氏興世四大藏者此地
出一故有振動斯周百步曾無一搖有欲發
者地震人仆城北十二里塔於齋日常放神
光仙花天樂近有癩者於塔禮懾除穢塗香
不久便愈身又香潔昔佛爲戰造羅鉢刺婆
王光云月也以頭施處凡經千施即塔名月光也
城東南山塔高十丈許挾目王所治育王爲
造又東南越山谷七百餘里至僧伽補羅國
度北印度也周三千五百里西臨信度河大城周十

四五里城東五十里有石塔高二十餘丈佛所遊處池沼十餘四色蓮花彌覆其內從此南返至呾叉始羅國北界度信度河東行二百餘里度大石門是摩訶薩埵王子捨身餉虎處東有寺僧百餘又南百五十里石塔者薩埵以竹自刺血咽獸處地及草木今猶絳色次北石塔高二十餘丈放光開信病歸多愈又東五十餘里孤山有寺塔高二百餘尺僧徒二百人並大乘學佛昔化藥叉不食肉處又東南山行五百餘里至烏刺尸國比印度也城周二千餘里山阜相屬都城周十八里不信佛法屬迦濕彌羅有佛塔高二十餘丈育王所造有寺僧少學大乘教又東南登山乘鐵橋千餘里至

迦濕彌羅國古曰罽賓北印度也周七千里四面負山雖有門徑狹而劣通城西臨大河長十三里廣四里許寺百餘僧五千餘人土出龍種馬鬱金火珠有四浮圖各有舍利一升餘佛滅

後第四百年脇尊者年八十方出家證無學將五百羅漢來此造十萬頌鄧波弟鑠釋素耶毗婆沙論次造十萬頌阿毗達磨論凡六百六十萬言備釋三藏新城東南十餘里故城北大山陽寺塔僧徒三百人佛牙長寸半色黃白齊日便放光又南十五里有觀自在菩薩立像有願見者斷食便覩王城西北二百餘里至商林寺城西百五十里大河北接山有寺僧百餘人從此西南越山行七百餘里至半笯蹉國比印度屬罽賓也城周二千餘里寺有五所多山川東南行四百餘里至

遏邏闍補羅國非正北印度乃荒服國也周四十餘里都城周十餘里寺十所僧甚少天祠一所外道甚多自濫波達此形體鄙薄非印度之正境也從此下山東南而行並是大川遠遠無畔唯以河國而分界部雖有小山並是孤住自

此以北通連雪山連達神州涼部以南諸雪山也案此山亦即瞻部之巨鎮地者也於此城東南下平度水行七百餘里至

碟迦國北印度也周萬餘里東據毗播奢河西臨

信度河都城周二十餘里俗少信佛多事天神寺有十餘天祠數百城西南十五里奢羯

仙五

九五

羅故城寺塔高二十餘丈昔四佛說法經行

處又西北六里許塔高二十餘丈亦四佛說

法處

新都城東北千餘里石塔高二十餘丈多有舍利齋日放光東行五百餘里至那

僕底國

北印

周二千餘里都城周十四五

寺十天祠八城東南五百餘里至闍林寺周二十餘里佛舍利塔數百千區并石室等僧有三百人小乘說有部也德行清高小學之

博賢劫千佛並此說法釋迦滅後第三百年迦多衍那迦延也於此造發智論寺塔高二十餘丈有四佛行坐迹自此西南行八百餘里至闍爛達那國北印度也東西千餘里南北六百

里都城周十餘里寺有五十餘二千餘人大小專門天祠三所外道五百人東北越山七百餘里至

屈露多羅國北印度也山周四境都城周十四五

里寺二十餘僧千餘人多大乘學天祠十五異道雜居出火珠雨石俗瘦且種城內有塔

記佛曾遊於此說法自斯北行近二千里山路危險至洛護羅國北印度也又北山行二千餘

里雪寒更甚達秣邏婆國又名三波訶非印度攝又從

窟露羅南行七百餘里越山濟河至

設多圖盧國北印度也周二千餘里西臨大河都

城十七八里佛法大盛城內外寺十所僧亦

少耳城東三里塔高二十餘丈育王所造傍

有四佛行坐迹自此西南行八百餘里至

波哩夜呾羅國八印度也周三千里都城周十

五里寺有八所僧亦少耳俗信外道天祠十

所異道千餘土有稻種六十日收東行五百餘里至秣菟羅國中印度也周五十餘里

都城二十餘里寺二十餘僧二千餘人大小兼學天祠五所異道雜居土植菴沒羅果小者生青熟黃大者始終青色城中三塔四佛遺迹甚多及舍利子沒特伽羅子謂目連也捷滿慈子富樓那也優婆釐優波離也阿難陀羅怙羅曼殊室利等諸塔每三長月六時諸僧尼集阿毗

仙五

北六

東北五百餘里至薩陀泥濕伐羅國中印也周七千餘里都城周二十餘里寺有三所僧七百人皆小乘者天祠百餘異道甚多城西北四里塔高二十餘丈舍利一升時放大光城南百餘里至佛寺又東北四百餘里至

寧祿勒那國中印也周六千餘里少荒東境臨碗伽河中印也源北接大山城東南間牟那河從國西北山中出中境而流都城周二十餘里東臨闍牟河寺有五所僧千餘人多小乘學天祠百餘異道甚多河西大寺東門外塔佛曾於此說法度人其側有佛髮爪塔間牟河

仙五

北七

所造也有佛指爪塔寺北石巖室高二丈廣三丈細籌四寸填之近護導夫妻俱證羅漢者送一籌乖此不在室記又室東南二十餘里大涸池側有塔佛曾遊此有獮猴持蜜施佛佛令水和遍衆同飲猴喜墮坑而死便生天中池北林中四佛經行處大有遺迹又

東八百餘里至碗伽源廣三四里東南入海廣十餘里水色滄浪味甘砂細隨水而流俗謂福水有沐除罪或有輕命自沉云生天受樂有僧伽羅國提婆菩薩化外道受正法處

度河東至秣底補羅國中印也周六千餘里都城周二十

餘里不信佛而敬天寺有十餘僧八百人多
小乘者天祠五千餘異道雜住國西北境碗
伽東岸摩裕羅城周二十餘里出鉢石水精
城側臨大河有大天祠多有威靈有池編石
爲岸引河爲浦五印度以爲殃伽河門生福
滅罪處常有百千人澡濯從摩裕比行三百

里至

婆羅吸摩補羅國北印周四千餘里山周四

境都城周二十餘里寺五僧少天祠有十異
道雜住國北大雪山有蘇伐刺拏瞿呴羅國
言金氏也出上黃金東西地長即東女國非印度
攝又即名大羊同國東接土蕃西接三波訶

北接于闐其國以女爲王夫亦爲王不知
國政男夫征伐種田而已又從末底補羅國
東南行四百餘里至

瞿毗霜那國中印周二千餘里都城十四五
里寺二所僧百餘人而習小乘天祠三十餘
異道雜住城固險峻其側古寺塔高二十餘

丈佛曾於此一月說法有髮爪二塔各高丈
餘旁有四佛坐迹又東南行四百餘里至
聖醯掣呾邏國中印周三千餘里都城周十
七八里寺十餘所僧有千餘習小乘正量部
天祠有九外道三百餘人城依險因其外池
側佛爲龍說法七日處立塔側有四佛行坐

迹立塔表之又南二百七十里度碗伽河西
南至毗羅刪擊國中印周二千餘里都
城周十餘里信外道少敬佛法寺三所僧徒
三百人皆大乘學天祠五所城中寺塔高十
餘丈佛曾於此七日說蘊界法四佛行坐遺
迹尚存於此東南行二百餘里至劫比他國
仙五

中印度古周二千餘里都城周二十餘里寺
有四所僧千餘人天祠十所同事大自在天
皆作天像其狀人根形甚長偉俗人不以爲
惡謂諸衆生從天根生也城東二十餘里大
寺中僧數百人淨人數萬頭皆宅寺側大垣
內有天帝造三寶階中階黃金左以水精右

用白銀南北而列東面下地是佛從逝多林
即
塔林昇天善法堂爲母三月說法下降處百
 年前階尚在今並沒盡後王倣之猶高七十
 尺上起精舍側有石柱光潤映現隨其罪
 福影出柱中育王所造階側浮圖四佛行坐
 迹也

佛澡浴處立塔其所有

佛入室精舍又其側佛經行石基長五十步
 高七尺足所履處皆蓮花文基左右小塔梵
 王所造 次前是蓮花尼化爲輪王先見
 佛廸佛告尼曰非汝先也有蘇部底須菩提也宴
 坐石室知諸法空見吾法身 次東南池
 有龍居焉恒護聖迹不可輕犯從此西北減
 二百里至

羯若鞠闍國中印交界曲城也周四十餘里都城西
 近碗伽河長二十餘里廣四五里邪正相半
 寺百餘僧徒盈万大小兼學天祠二百餘所
 異道數千人即統五印度之都王也号尸羅
 迷多言戒也大奢姓初欲登位碗伽岸有觀自

仙五

九

弟

在像乃請之告曰汝本此林蘭若比丘金耳
 月王既滅佛法王當重興愍物在懷方三五
 境慎勿昇師子座及稱大王号也王乃共童
 子王平殄外道月王徒衆又約嚴令有噉肉
 者當截舌殺生當斬手乃與寡妹共知國事
 於碗伽側建千浮圖各高百餘尺城邑鄉聚
 達巷交衢立精舍儲食止醫藥惠羈貧聖迹
 之所皆爲立寺二十年來五年一會傾及府
 藏極濟群有唯留兵器用備不虞初作會日
 集諸國僧三七日中四事供養令相論議若
 戒行貞固道德優洽者昇師子座王便受戒
 清淨無學示有崇仰穢行彰露者驅出國界
 諸有王臣植福無怠者携手同坐異此不顧
 王巡省方俗不常其居行必四兵導引嚴設
 況舟乘象擊鼓吹螺象軍八萬以威四遠唯
 兩三月不外遊行宮中每日飯諸沙門僧有
 千人婆羅門五百日分三時一時理務兩時
 營福又絕血食日例一頓於河西寺東起寶

臺高百餘尺中有等身金像次南起寶壇浴佛像處於此東北十五里許別築行宮從寺至宮夾道爲閣窮諸影飾樂伎不移近奏而已又以三尺隱起金像載以大象寶幔其上王爲帝釋像執寶蓋左侍有迦摩縷波國拘摩羅王言童子也作梵王像執拂右侍各五百象

軍被鎧同衛前後各百大象樂人於上鼓奏音聲戒日王又以真珠雜寶金銀諸花隨出四散供養三寶其五印度尼寺希少縱有尼者與僧同門食亦同處無齋戒約然童子王利帝利姓語使人李義表曰上世相承四千年先人神聖從漢地飛來王於此土城西北

二百餘步塔高二十餘丈佛曾七日說法處中有舍利時放光明其側四佛行坐迹寺北四里臨碗伽岸塔高二十餘丈佛曾七日說法五百餓鬼解悟生天其側又有髮爪塔次側又有四佛行坐迹又東南行六百餘里度碗伽河南至

塔育五所造昔佛於此七日說法其側有髮爪塔四佛行坐迹又南臨碗伽河三寺同垣異門佛像嚴麗佛牙長寸半光色變改寶函盛之遠近瞻者日有百千守者煩撓重稅金寶而樂禮者不辭重貨齋日便出置高坐上散花雖積牙函不沒寺僧清肅淨人數千戶

仙五

三

第

正

第九二冊

寺前左右精舍高百餘尺石基甕室中象寶莊或純金銀次東南大精舍石基甕室高二十餘丈是佛六月說身無常苦空不淨處又有四佛行坐迹在城東南六七里碗伽南岸上城東南百餘里有納縛提婆城據碗伽河東岸三寺同垣異門周二十餘里次前二百餘步塔高二十餘丈佛曾七日說法處中有舍利時放光明其側四佛行坐迹寺北四里臨碗伽岸塔高二十餘丈佛曾七日說法五百餓鬼解悟生天其側又有髮爪塔次側又有四佛行坐迹又東南行六百餘里度碗伽河南至

阿輸陀國印度周五千餘里都城周二十餘里寺有百餘僧三千餘人大小兼學天祠有十異道少耳城中故寺是伐蘇畔度菩薩言母也數十年中作大小乘論處城北五里碗伽岸大寺中塔高二十餘丈佛爲天人三月於此說法側有佛塔四佛行坐迹寺西五里

有佛髮爪塔
城西南五里大菴沒羅林
中故寺是阿僧伽菩薩_{云無著也}夜昇天宮於慈氏所受瑜伽莊嚴大乘經論及中邊等書爲衆說
林西北百餘步佛髮爪塔自此東行三百餘里度碗伽河北至

阿耶穆怯國

中印

周二千五百里都城臨河

山五

三十一

弟

周二十里寺五所僧千餘人習學小乘天祠十所異道雜居
城東南臨碗伽塔高二十餘丈佛曾三月說法處有髮爪青石塔有四佛行坐迹
又東南行七百餘里度碗伽河南闍半那北至

鉢羅伽耶國

中印

周五千餘里都城據兩河

交周二十餘里寺二所僧少天祠數百異道特多城西南臨闍半河曲二三千里東北流合間有瞻博迦花林中塔高十餘丈佛曾於此降外道處有髮爪塔經行迹又有提波善薩作廣百論處
城中天祠堂前大樹枝葉蒙密食人鬼依之左右遺骸爲蘋人至祠中

無不輕命上樹投下爲鬼所誘
城東兩河間交廣十餘里土地平埴細沙彌布古今王豪諸有捨施莫不止焉号大施場戒日大王亦修此業場東合流口日數百人自溺而死彼俗名爲生天所也有欲行法七日於此絕粒自沉中流遠近相趣乃至山援野鹿群遊水濱絕食沉水當戒日王行施之時有二獮猴雌爲狗煞雄者負屍擲此河中其又自餓累日而死自此西南大林野行五百餘里至
橋償彌國

中印

周

六

千

里

都

城

周三十餘里寺十餘僧三百餘人天祠五十外道衆多
城內故宮大精舍高六十餘尺

刻檀佛像上懸石蓋即鄧陀衍那王

古優陀延也唐

之所造也靈光間起諸王以力欲舉終

莫之移昔佛爲母上天說法王請目連神力接工就天摸相及佛下天像便起迎佛慰喻

曰方爲佛事舍東百餘步四佛行坐迹佛浴室井今猶充汲
城內東南隅具史羅長者

宅有佛精舍髮爪塔其大塔側又有四佛行坐迹城西九里石窟佛曾遊此伏毒龍也側有大塔高二十餘丈旁有佛經行迹及髮爪塔病求多愈釋迦遺法滅在此國貴賤入境自然感傷窟東北大林中行七百餘里度碗伽北岸至迦奢布羅城周十里許是護法

仙五

三二

菩薩伏外道處塔高二十餘丈佛曾於此六月說法有經行迹及髮爪塔自北行一百八

十里至

鞞索迦國印周四千餘里都城周十七里寺二十僧三千人天祠五十外道巨多城南道左右寺塔高二十餘丈佛曾於此六年說

法側有奇樹高七十尺春冬不改是佛齒木葉而茂生諸邪見者競來殘伐尋生如故側有四佛行坐迹并髮爪塔基角相連林池交影自此東北五百餘里至

室羅伐悉底國印周六千餘里都城荒毀故基周二十餘里寺數百所僧徒少天

祠百餘外道甚衆荒城故殿東基上小塔是鉢羅犀那特多王古云波斯匿爲佛造堂處次側故基上塔是王爲佛姨母鉢羅闍鉢底古云波闍提此六生主比丘尼造精舍處次東塔是蘇達多大善施也之故宅也側有大塔是鷲窯利摩羅言指捨耶處也城南六里許逝多林是給

孤園太子所造寺也今荒廢尚有石柱高七十餘尺育王造之覩室一存餘並湮沒室中有爲母說法金像東北有佛洗病僧塔西北有目連舉身子衣塔不遠共塔佛所汲用又舍利弗與佛經行道說法處並有表塔靈樂異香常降其所又外道殺女以謗佛處立塔

仙五

三三

表之寺東百步大坑是調達欲毒害佛生陷處南有大坑是瞿伽離比丘毀佛生陷處又南八百步大深坑是戰遮婆羅門女毀謗佛生陷處此三坑皆洞達無底洪兩大注終無停偃寺東七十步精舍名曰影覆高六尺中有東面坐像與外道論處次東天

祠量同精舍初日影西不蔽佛舍晚日蔭東
遂覆天祠

又東四里大涸池是毗盧釋迦王舊云離也留僧
人也既後之立塔已之又有身子刃鑿寺

舊云留宿也

入北慶從人立塔言之又有與二校造寺時與外道較處亦立塔記寺西北四里有得眼林中有佛經行迹塔其緣勝軍王按五

百賊眼聞佛慈力一時平復捨杖遂生眼根
城西北六十里故城是人壽二萬歲時迦葉
波佛本生處其北有塔即此佛全身舍利之
所育王造表之又東南行五百餘里至
劫比羅伐窣堵國中印度古云迦毗羅也周四千餘里
空城十數並無人住宮城周十五里許以輒

成之故寺千餘宮城一寺僧三十餘天祠二
所外道雜住城內正殿基上精舍中作王像
其側是摩訶摩耶言大夫人寢殿基上精舍

作夫人像其側精舍中作菩薩像神降之相
彼執不同上座部云當唐國五月十五日諸
部又云當此五月八日此蓋聞見之異耳其

側有仙相塔
城南有塔是太子揃力擲象
越城墮地爲大坑處側有精舍作太子像及
受業像
其傍精舍是妃寢處作耶輸陀羅
并羅怙羅像
別本云太子初夜開城北門
出去又城東南隅精舍中作太子乘白馬乘
空踰城處
四城門各有精舍作老病死
沙門像
城南四里尼拘盧林塔佛得道與
天人說法之所
城南五十里故城中塔是
人壽六萬歲時迦羅迦村駁佛本生城城東
南塔即此佛遺身也無憂王於前建石柱高
三丈餘
又東北三十餘里故城中塔是人
壽四萬歲時迦諾迦牟尼佛本生城城東北
下塔

沙門像城南四里尼拘盧林塔佛得道與
天人說法之所城南五十里故城中塔是
人壽六萬歲時迦羅迦村馱佛本生城城東
南塔即此佛遺身也無憂王於前建石柱高
三丈餘又東北三十餘里故城中塔是人
壽四萬歲時迦諾迦牟尼佛本生城城東北

塔即此佛遺身也無憂王爲建石柱銘記之
高二丈餘城東北四十餘里有太子坐樹
下塔

塔即此佛遺身也無憂王爲建石柱銘記之
高二丈餘城東北四十餘里有太子坐樹
下塔
大城西北數百千塔是誅釋子塔有四釋子
拒軍城人不受被放出境一爲烏仗王二爲
梵衍等王至今不絕

城南尼拘律樹塔是佛初來見父王處城南
門外塔是捕射處東南三十餘里是太子射
矢沒地因涌泉流俗傳箭泉病飲多愈或持
泥傅額隨苦皆愈

又東北九十里臘伐尼林釋種浴池花水相
映其北二十五步無憂花樹今已枯悴佛誕

處也有說云當此三月八日者上座部云當
此三月十五日者次東有塔二龍浴太子

處是日生已不扶而行四方各七步所蹈之

處出大蓮花既右脇生天帝衣接四王捧之
置金几上凡施四塔并立石柱表之旁有小

河東南而流俗号油河是太子產已天化此
地光潤令沐以除風虛令變水河尚膩如油
從此東行二百餘里荒林中至

藍摩國度印多空城東南佛塔減百尺昔初
八分之一舍利也靈光時起側有清池龍變
為蛇出繞其塔野象採花以散之無憂王欲
開龍護不許

仙五

又東大林百餘里大塔是太子至此解寶衣
中末尼珠付闡鐸迦還父王處

又東有瞻部樹枯株尚存有小塔是太子以
餘衣易鹿皮處其側塔者剃髮處年目不定
或云十九二十九者

又東南野行百九十里尼拘陀林塔高三丈
餘昔人於佛焚地收餘灰炭於此起塔病者
祈愈有四佛行坐迹塔高百餘尺左右數百
小塔

又東北大林路險五百里至拘尸那揭羅國
印城頽荒人物少也內東北角塔是唯陀
故宅其井猶美營供所穿城西北四里度阿
恃多伐底河此云有金也近西岸婆羅林兩
林間相去數十步中有四樹特高大輒精舍
中作佛涅槃像北首而卧旁塔高二百餘尺
前有石柱記佛滅相有云當此土三月十五
日者說有部云當此九月八日諸部異議云
至今貞觀二十年則經一千二百一十二年

矣此依菩提寺石柱記也或云千三百年或千五百餘年或云始過九百未千年者精舍側有佛昔爲雉王救火及鹿救生各立一塔次西塔者是蘇跋陀羅言善賢也滅證處次有一

塔是執金剛神躋地處次側一塔是停棺七日處次側一塔是阿泥樓陀上天告母降來

哭佛處城北度尼連禪那河三百步塔者

是佛涅槃般那言焚燒也處也地今黃黑土雜炭有祈感者咸獲舍利次側一塔佛爲大迦葉波現雙足處次又一塔前立石柱刻記入國分舍利事此西南行二百餘里至大邑又大林行五百餘里至婆羅痆女八斯國中印度波羅

河東北十餘里鹿野寺也區界八分連垣同堵層軒重閣僧徒一千五百人並小乘正量部有佛圖高二十餘丈覩龕四合節級百數皆懸起金像鑄石佛等

次西南塔高百餘尺前有石柱高七十餘尺洞澈清淨誠感像現隨其善惡即成道已初

轉法輪處其側三塔即昔三佛行坐處傍有諸塔五百獨覺入滅處又側一塔慈氏菩薩受記處又西一塔是佛過去爲護明菩薩迦葉波佛授今成佛處次南四佛經行處長三十步高七尺青石積成上作釋迦經行像像形特異肉髻上脣巒頭抽出神而有微寺迹

奈周四千餘里都城西臨宛伽河長減二十里廣六里許人居盛滿多信外道寺三十餘僧三千餘並小乘正量部天祠百餘外道萬餘多事大自在天根也大城中天祠二十所天根高百餘尺城東比婆羅痆斯河西培育王造高十餘丈前立石柱碧鮮現佛

極多精舍浮圖乃數百事不可具也寺西清池周二百步佛嘗盥浴次西小池佛嘗滌器次北小池佛嘗浣衣三池龍止味甘且淨有慢觸者金毗羅獸即而害之側有方石上有佛袈裟文迹外道兒人有輕蹈者池龍輒興風雨側有浮圖佛曾作六牙象王見獵者法

衣故拔牙與處側又一塔佛昔爲烏與獮猴
象相問誰大處

又大林中塔佛與調達昔爲鹿王佛代孕鹿
命處鹿野之号因而生焉

寺西南三里大塔高三十餘丈基峙壯麗側
又一塔是五人迎佛處

仙五

光七

弟

大林東三里塔者佛昔爲兔與諸獸聚自知
形小燒身饋之因感天帝下贊故使月輪有
兔像現寺東順流伽河三百餘里東至戰主
國度印中周二千餘里都城臨流伽河周十餘
里人盛滿寺十所僧減千人並小乘天祠二十
所異道雜居城西北寺塔佛舍利 升昔
佛於此七日說法并四佛行坐迹有慈氏菩
薩像形小而威德大城東北二百餘里至阿
避陀羯刺拏寺云不因緣北方僧也寺東南
度流伽河百餘里至大邑河北岸那羅延天
祠重閣甚麗又東南三十餘里有降鬼塔半
已陷地前建石柱高二丈餘即佛爲敗人鬼

說法處鬼置石坐千數茂林清池不遠數寺
皆有僧住學大乘者又東南度河百餘里塔
者即分舍利瓶及餘舍利也每齋日放光又
東北度流伽河百五十里至

吠舍釐國中印度古云毗舍離周五千餘里邪正兼半
寺數百現存五三僧少耳天祠數十露形多

矣城已頽毀故基周七十許里宮城周五里
許少人居住宮城西北六里寺塔是說淨名
處又東身子證果塔又東大塔是王得一分
舍利一斛許無憂王取九升均造餘塔後更
有王欲開地震遂止西北有塔石柱高六丈
次南獮猴爲佛穿池池西羣猴持佛鉢上樹
取蜜處 池南猴奉蜜處各有塔記寺東北
四里許塔是淨名故宅基尚多靈神其舍壘
輒傳云積石即說法現疾處也近使者王玄
策以笏量之止有一丈故方丈之名因而生
焉并長者寶積宅菴羅女宅佛姨母入滅處
皆立表記寺北四里塔佛將往拘尸城天人

送泣處次復一塔是佛最後觀城邑處
次南是菴羅女以園施佛處其側一塔是佛
三告阿難住壽涅槃處又側一塔是千子見
父母處即賢劫千佛也

東故重閣講堂基塔時放光明是佛說普門
經處城西北六十里大塔是佛別栗咭婆子
仙五

處大城西北減二百里故城塔佛說本生曾
於此爲大天輪王事國城東南十五里大塔
是七百賢聖重結集處又南減百里大寺層
臺重起僧學大乘四佛行坐迹側又一塔是
佛南趣摩揭陀北顧吠舍釐城中息迹處
寺東三十里碗伽河南北岸各一塔是阿難

陀分身與二國處從北岸東北行五百餘里
至弗栗特國比印度也周四千餘里東西
長寺十餘僧減千人大小通學天祠數十外
道衆矣故宮城中有三千家碗伽東北岸塔
高二丈餘南望長流佛度五百漁人處由捕
得大魚十八頭頭各兩眼也又東北百餘里

故城西塔高百餘尺佛嘗六月說法度人又
北百五十里佛髮爪塔又西北千五百里入
山谷至

尼波羅國比印度周四千餘里在雪山中都城
二十餘里雜信寺及天寺極多僧二千餘人
大小兼學王純信佛城內有閣高二百餘尺
北八

周八十步上容万人面別三疊壘別七層徘徊四度刻以奇異珍寶飾之城東南不遠有
水火村東一里許有阿耆波滲水周二十步
旱澇湛然不流常沸家火投之遍池火起煙
焰數尺以水洒火火更增熾碎土以投亦即
然盡無間投者並成灰燼架盆水上煮食立
仙五

熟云此水中先有金匱前有國王將人取之
匱已出泥人象挽之不動夜神告曰此是慈
氏佛冠下生擬著不可得也火龍所護城南
十餘里孤山特秀寺居重疊狀若雲霞松竹
魚龍隨人馴附就人取食犯者滅門比者國
命並從此國而往還矣今屬吐蕃又從吠舍

南百五十里度碗伽河至摩揭陀國即常所謂摩竭提王舍城也

釋氏方誌卷上

樂正子言之

奇仙上五

積砂大藏經

釋迦方誌

潤入海也大河上直南
反躁烈卦帝也烏鎚鼓連
計上倉制也反上始煩則到反下成反山水出
反厄下上婚始煩則突厥殺拜
上下札書到反下成反山水出
鄖行浪達蒼頡之上音一石積人下之
演古砂七觀胡君徒反都熱上
字反亦鳥結亦骨浪敷池其陵
饅也反跡反名反北煌上口反
證上沮沫象黃可比皇丁出此
反力又上字時伏羲地昆東河
白堅徐靈尼壤宜下名反南從
皇下瓦反壯下反堅也下流無

摩于上 | 反思也。咀下上 | 反也。
櫛達器上 | 反也。哀反許也。漙布山泉也。
都尼下上 | 反也。蟻反許也。漙布山泉也。
鑑丁居反也。蟻反許也。漙布山泉也。
反反礼止音也。蟻反許也。漙布山泉也。
梯履反反也。卓音也。膾母朗也。函曾下也。
木反也。筭母朗也。函曾下也。
笱古柄也。反也。睂失宋也。
反詩竹翼也。組大字音也。鐸倉下也。
若江椿也。繩也。助古死也。下也。睂失宋也。
罕反也。蛇也。也。初徒各也。
纜也。也。諫登也。也。睂失宋也。
下也。也。溫也。良也。睂失宋也。
陸也。也。溫也。良也。睂失宋也。
即丁連果下板大也。也。溫也。良也。睂失宋也。
反反反丁閑索反島反也。也。溫也。良也。睂失宋也。
蹠也。也。沒也。也。睂失宋也。

似兮反石謂鼠音位毛如刺齧吾結反崖崩上皆反
匱匱上卑興反其位毛如刺齧吾結反崖崩上皆反
即漆兒也下湯過鳥舊
爲之薄兒也下湯過鳥舊
音漕矩下口下良越峻下雖
反到反插那于上反雖
俱到反插那于上反雖
也憮龍悵上魯孔于下帝達
憮龍悵上魯孔于下帝達
力之反戶令帝孔子反助
之反戶令帝孔子反助
駕馬易音同尼達
駕馬易音同尼達
反馴駕馬易音同尼達
反馴駕馬易音同尼達
也反加昨布上卑興反
也反加昨布上卑興反
驍勇上反古峰叶
驍勇上反古峰叶
也反加昨布上卑興反
也反加昨布上卑興反